



Godina IV - Broj 2

Nedjelja, 15. januara/siječnja 1995.
SARAJEVO

Akontacija pretplate
se utvrđuje
kvartalno

7

Na osnovu člana 10. stav 1. Zakona o carinskoj službi Republike Bosne i Hercegovine ("Službeni list RBiH", br. 12/92 i 13/94), Vlada Republike Bosne i Hercegovine, na prijedlog ministra finansija, donosi

ODLUKU O OSNIVANJU CARINARNICE ZENICA

I.

Osniva se Carinarnica Zenica sa sjedištem u Zenici.

Carinarnica Zenica počinje sa radom narednog dana od dana objavljivanja u "Službenom listu RBiH".

II

Carinska uprava Republike Bosne i Hercegovine donijet će sva potrebna uputstva za rad Carinarnice Zenica, u skladu sa članom 6. Zakona o carinskoj službi Republike Bosne i Hercegovine.

III

Ova odluka stupa na snagu danom objavljivanja u "Službenom listu RBiH".

V broj 8/95

14. januara 1995. godine
Sarajevo

Predsjednik

Vlade RBiH,
dr Haris Silajdžić, s. r.

8

Na osnovu člana 26. Zakona o Vladi Republike Bosne i Hercegovine ("Službeni list RBiH", broj 13/94), Vlada Republike Bosne i Hercegovine, donosi

ODLUKU O IZRAŽAVANJU SPREMNOSTI REPUBLIKE BOSNE I HERCEGOVINE, SAVJETU SIGURNOSTI UN-A, O PRIHVATANJU OSOBA OSUĐENIH PRESUDAMA MEDUNARODNOG SUDA ZA RATNE ZLOČINE NA IZDRŽAVANJE IZREČENIH KAZNI

I

Vlada Republike Bosne i Hercegovine izražava spremnost Savjetu sigurnosti UN-a, za prihvatanje osoba na izdržavanje kazni osuđenih presudama Međunarodnog suda za ratne zločine u Hagu, počinjene na teritoriji bivše SFRJ.

II

Izdržavanje kazni vršit će se u kazneno-popravnim ustanovama Republike Bosne i Hercegovine u skladu sa zakonom.

III

Nadzor nad izvršenjem izrečenih kazni, u kazneno-popravnim ustanovama Republike Bosne i Hercegovine, vršit će Međunarodni sud za ratne zločine u Hagu, shodno članu 27. Statuta Međunarodnog suda.

IV

Ova odluka dostavit će se generalnom sekretaru Savjeta sigurnosti UN-a i Međunarodnom sudu za ratne zločine u Hagu.

V

Ova odluka stupa na snagu danom objavljivanja u "Službenom listu RBiH".

V broj 9/95

8. januara 1995. godine
Sarajevo

Predsjednik

Vlade RBiH,
dr Haris Silajdžić, s. r.

9

Na osnovu člana 31. Zakona o deviznom poslovanju ("Službeni list RBiH", br. 10/94, 13/94, 25/94 i 33/94), Vlada Republike Bosne i Hercegovine, donosi

ODLUKU O USLOVIMA POD KOJIMA SE MOŽE ODOBRI TI DA SE DIO IZVOZA ROBE I USLUGA NAPLATI U VALUTI KOJA SE PO PROPISU ODNOSNE ZEMLJE NE MOŽE TRANSFERISATI

I

Narodna banka Bosne i Hercegovine (u daljem tekstu: Narodna banka) može preduzeću koje izvodi investicione radove u inostranstvu dati odobrenje da dio potraživanja od izvođenja tih radova naplati u valuti koja se po propisu odnosne zemlje ne može transferisati (u daljem tekstu: lokalna valuta) pod uslovom da je propisom te zemlje ili raspisanom licitacijom ili tenderskom dokumentacijom takav uslov predviđen za izvođenje investicionih radova.

Odobrenje iz stava 1. ove tačke daje se na osnovu obrazloženog zahtjeva preduzeća uz koji se podnosi izvod iz propisa odnosne zemlje, izvod iz raspisane licitacije ili izvod iz tenderske dokumentacije, kao i predračun o trošku te valute za pokriće troškova u vezi sa izvođenjem investicionih radova u odnosnoj zemlji i za izmirivanje drugih obaveza u toj zemlji.

Ako se iz predračuna iz stava 2. ove tačke utvrdi da iznos u lokalnoj valuti premašuje potrebe preduzeća - podnosioca zahtjeva, Narodna banka može odobriti naplatu traženog iznosa u lokalnoj valuti samo pod uslovom da se uz zahtjev za izdavanje odobrenja prilaže kao dokaz i pismena izjava (odobrenje)

nadležnog organa strane zemlje ili izvod iz propisa te zemlje, u originalu i prevod ovjeren od nadležnog organa preduzeća da u odnosnoj zemlji ne postoje zakonske smetnje da se za neutrošenu lokalnu valutu može naknadno dobiti odobrenje kod nadležnog organa u odnosnoj zemlji za korišćenje te valute u sljedeće svrhe:

- 1) za transfer neutrošene valute ili
- 2) za ustupanje drugom pogonu za njegove potrebe ili
- 3) za ustupanje drugom preduzeću za plaćanje uvoza robe iz odnosne zemlje ili za druga plaćanja u odnosnoj zemlji.

II

Narodna banka može izuzetno dati odobrenje preduzeću da dio potraživanja po osnovu pružanja usluga u međunarodnom robnom i putničkom prometu naplati u lokalnoj valuti pod uslovom da:

- 1) podnese odluku nadležnog organa preduzeća iz koje su vidljivi razlozi za prihvatanje takvog načina naplate;
- 2) podnese ovjeren izvod iz propisa odnosno zemlje iz koga se vidi legalnost ostvarivanja takve naplate, kao i uslovi i svrha korišćenja takvog potraživanja, odnosno dokument iz koga se vidi da ima ovlaštenje za obavljanje takvog posla u odnosnoj zemlji i sa naplatom u lokalnoj valuti;
- 3) u zahtjev za odobrenje unese izričitu izjavu da će ostvarenu lokalnu valutu trošiti isključivo u svrhe predviđene propisima odnosne zemlje i priložiti predračun iz koga se vidi da će sredstva utrošiti u te svrhe.

Preduzeće iz stava 1. ove tačke u zahtjevu navodi iznos i vrstu usluge za koju se traži naplata u lokalnoj valuti, oznaku zemlje i prilaže dokumentaciju iz stava 1. ove tačke.

III

Narodna banka može preduzeću dati odobrenje da višak lokalne valute, koja po osnovu odobrenja i predračuna iz tačke I stav 3. ove odluke premašuje potrebe preduzeća, proda drugom pogonu ili drugom preduzeću.

Izuzetno od stava 1. ove tačke Narodna banka može dati odobrenje preduzeću da neutrošenu lokalnu valutu ostvarenu po osnovu odobrenja iz tačke I ove odluke proda drugom pogonu ili drugom preduzeću, pod uslovom da su se promijenile okolnosti iz ugovora u odnosu na stanje u trenutku zaključivanja ugovora.

Uz zahtjev za izdavanje odobrenja iz stava 2. ove tačke preduzeće podnosi i pismenu izjavu preduzeća - kupca lokalne valute, kojom se ono obavezuje da će kupljenu valutu upotrijebiti saglasno datom odobrenju, odnosno za izmirenje svojih obaveza u odnosnoj zemlji.

Odobrenje iz st. 1. i 2. ove tačke daje se pod uslovom da se naplata protivvrijednosti prodatog iznosa u lokalnoj valuti izvrši u konvertibilnoj valuti.

IV

Narodna banka može preduzeću dati odobrenje da se naplata prodane robe izvrši u lokalnoj valuti - nekonvertibilnoj u slučajevima kada je obezbjeđivalo da se za ta sredstva kupi roba od interesa za Republiku Bosnu i Hercegovinu. Preduzeće treba za svaki pojedinačni ovakav slučaj tražiti saglasnost Minsitarsva finansija.

V

Narodna banka može, izuzetno, dati odobrenje preduzeću koje izvodi investicione radove u inostranstvu da lokalnu valutu stečenu pod uslovima iz ove odluke, kao i po nerobnom osnovu, proda za dinare drugom preduzeću koje se bavi izvođenjem investicionih radova u inostranstvu ili drugom pravnom licu, za njihove potrebe u odnosnoj zemlji.

Odobrenje iz stava 1. ove tačke može se, pored preduzeća, dati i drugom pravnom licu.

Odobrenje iz st. 1. i 2. ove tačke daje se na osnovu obrazloženog zahtjeva prodavca lokalne valute, uz koji se prilaže pismena izjava preduzeća - kupca te valute, odnosno

drugog pravnog lica, da će kupljenu valutu upotrijebiti saglasno datom odobrenju, odnosno za izmirenje svojih obaveza u odnosnoj zemlji.

VI

Ova odluka stupa na snagu narednog dana od dana objavljivanja u "Službenom listu RBiH".

V broj 10/95
4. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

10

Na osnovu člana 35. Zakona o deviznom poslovanju ("Službeni list RBiH", br. 10/94, 13/94, 25/94 i 33/94), Vlada Republike Bosne i Hercegovine, donosi

ODLUKU O USLOVIMA POD KOJIMA SE MOŽE DATI ODOBRENJE DA SE NAPLATA I PLAĆANJE IZVRŠE U EFEKTIVNOM STRANOM NOVCU

I

Narodna banka Bosne i Hercegovine (u daljem tekstu: Narodna banka) može dati odobrenje preduzeću ili drugom pravnom licu na njihov obrazloženi zahtjev, da naplatu izvoza robe i usluga, odnosno plaćanje usluga stranom licu izvrše u efektivnom stranom novcu, pod uslovom da se taj izvoz, odnosno uvoz obavlja u skladu sa propisima.

Odobrenje iz stava 1. ove tačke izdaje se pojedinačno za svako plaćanje, odnosno naplaćivanje ili za određeni period, ali ne duži od jedne godine.

II

Narodna banka može preduzeću koje je upisano u registar za obavljanje poslova spoljnotrgovinskog prometa dati odobrenje da prodatu robu odnosno pruženu uslugu naplati u efektivnom stranom novcu i to:

- 1) preduzeću koje u slobodnim carinskim prodavnicama prodaje domaću i stranu robu - od domaćih i stranih fizičkih lica;
- 2) preduzeću koje sa konsignacionih skladišta prodaje stranu robu - od stranih fizičkih lica;
- 3) preduzeću koje se bavi snabdijevanjem stranih vazduhoplova i brodova gorivom i mazivom kao i poljoprivrednim i prehrambenim proizvodima, tehničkim materijalom i drugom potrošnom robom od stranih lica;
- 4) preduzeću koje pruža usluge u međunarodnom robnom i putničkom prometu, koje kao agent neposredni ili preko putničkih turističkih agencija, prodaje putničke i robne vozne isprave za račun stranih lica koja zastupa - od stranih lica;
- 5) preduzeću koje se kao agent bavi snabdijevanjem stranih brodova gorivom i mazivom, poljoprivrednim i prehrambenim proizvodima, tehničkim materijalom i drugom potrošnom robom - od stranih lica;
- 6) preduzeću koje kao agent pruža usluge stranim brodovima pri prijemu i otpremi u domaćim lukama - od stranih lica.

Efektivni strani novac naplaćen po osnovu prodaje domaće i strane robe i pružene usluge po odredbama iz ove tačke, kao i efektivni strani novac naplaćen saglasno dobijenom odobrenju preduzeće odmah, a najkasnije narednog radnog dana, predaje banci ovlaštenoj za poslove sa inostranstvom.

III

Narodna banka preduzeću iz tačke II stav 1. pod 1. i 2. ove odluke može dati odobrenje da u svojoj blagajni drži efektivni strani novac najviše do 10% od dnevnog prometa u odnosnoj prodavnici, radi vraćanja ostatka novca kupcu u manjim apoenima.

Odobrenje iz ove tačke može se izdati na osnovu zahtjeva preduzeća i to najduže za jednu godinu.

IV

Preduzeća koja pružaju usluge u međunarodnom robnom i putničkom prometu i ustanove koje pružaju hitnu medicinsku pomoć kao i organi i organizacije društveno-političke zajednice, mogu na osnovu odobrenja Narodne banke, u svojoj blagajni držati efektivni strani novac u visini iznosa iz odobrenja, radi obavljanja poslova. Preduzeća koja pružaju usluge u međunarodnom robnom i putničkom prometu mogu držati efektivni strani novac u visini iz odobrenja radi obezbjeđivanja iznosa potrebnog za službena putovanja u inostranstvo radnika transportnog sredstva i za plaćanje drugih troškova u inostranstvu u vezi sa transportnim sredstvom i robom.

Uz zahtjev za dobijanje odobrenja iz stava 1. ove tačke preduzeće, odnosno organizacija prilaže i podatke o korištenom efektivnom stranom novcu u prethodnoj godini po osnovu iz tog stava.

Prilikom službenog putovanja u inostranstvo, radnici iz stava 1. ove tačke prave kod carinskog organa iznošenje efektivnog stranog novca putnim nalogom i potvrdom preduzeća, odnosno organizacije u kome su naznačeni: ime i prezime radnika, iznos i vrsta efektivnog stranog novca koji se po osnovu iz tog stava iznosi. Preduzeća, odnosno organizacije dužni su da vode registar izdatih potvrda.

Odobrenje iz ove tačke može se izdati na osnovu zahtjeva preduzeća, odnosno organizacije, i to najduže za jednu godinu.

V

Narodna banka, može preduzeću ili drugom pravnom licu dati odobrenje za naplatu u efektivnom stranom novcu, stranim čekovima i kreditnim pismima od stranih lica po sljedećim osnovama: pretplate na časopise i publikacije, objavljivanja oglasa, učestvovanja na seminarima i kongresima, naručivanja emisija preko radio stanica, školarine i nastavnih sredstava, članarina i kotizacije, drumskih taksa i putarina kupovine poštanskih maraka u filatelističke svrhe i novca u numizmatičke svrhe, pružanja usluga stranim licima u vagon restoranima i kolima za spavanje, plaćanja takse za lov, ribolov i lovačke trofeje, prevoza posmrtnih ostataka stranaca, šlepanja vozila stranih lica, pružanja pomoći i informacija na putevima, usluga koje pružaju turističke i putničke agencije, pomoći i poklona, kao i svih drugih naplata koje se ne mogu smatrati naplatama u smislu tač. I i II ove odluke.

Odobrenje iz stava 1. ove tačke može se izdati za svaki pojedinačni posao ili za određeni period, ali ne duže od jedne godine, na osnovu zahtjeva preduzeća ili drugog pravnog lica, pod uslovima da se zamjena efektivnog stranog novca nije mogla izvršiti na mjenjačnici.

VI

Strana sredstva plaćanja naplaćena na osnovu odobrenja iz tačke V ove odluke imaju tretman stranih sredstava plaćanja ostvarenim izvozom roba i usluga i prodavac robe ili usluga ta sredstva predaje ovlaštenoj banci koja sa njima postupa kao da se radi o deviznom prilivu iz inostranstva ostvarenom izvozom roba i usluga.

VII

Naplaćivanje, odnosno plaćanje u efektivnom stranom novcu, u smislu ove odluke, može se vršiti samo u valutama koje su predmet kupovine i prodaje na deviznom tržištu.

VIII

Ova odluka stupa na snagu danom objavljivanja u "Službenom listu RBiH".

V broj 11/95
4. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

11

Na osnovu člana 11. st. 3. i 4. Zakona o deviznom poslovanju ("Službeni list RBiH", br. 10/94, 13/94, 25/94 i 33/94), Vlada Republike Bosne i Hercegovine, donosi

ODLUKA O USLOVIMA ZA DAVANJE ODOBRENJA PREDUZEĆU ILI DRUGOM PRAVNOM LICU DA MOŽE DRŽATI DEVIZNA SREDSTVA NA RAČUNU U INOZEMSTVU

I

Narodna banka Bosne i Hercegovine (u daljem tekstu: Narodna banka), može preduzeću i drugom pravnom licu odobriti da drži devizna sredstva na računu banke u inozemstvu, pod uslovima utvrđenim ovom odlukom.

Odobrenje iz stava 1. ove tačke izdaje se, na osnovu zahtjeva preduzeća ili drugog pravnog lica, najduže za jednu godinu.

Ako poslovanje preduzeća ili drugog pravnog lica zahtijeva da se devizna sredstva drže u inozemstvu duže od jedne godine, preduzeće je dužno da prije isteka te godine podnese novi zahtjev Narodnoj banci.

II

Odobrenje iz tačke I ove odluke može se dati:

1) za izvođenje investicionih radova u inozemstvu, zavisno od vrijednosti strukture radova i prirode zaključenog posla a prema obrazloženju zahtjeva i ocjenu koju utvrdi Narodna banka i to:

- za avans primljen od stranog partnera, ako je to neophodno za plaćanje ugovorenog posla u inozemstvu, ili je dobijen inozemni kredit za finansiranje tog posla, za što se prilažu foto-kopije ugovora o izvođenju investicionih radova ili foto-kopije ugovora o kreditu uz zahtjev za izdavanje odobrenja;

- za potrebe snabdijevanja i održavanja poslovne jedinice u inozemstvu - gradilišta preko kojeg se izvode radovi, za troškove u vezi s obezbjeđenjem smještaja, ishrane i boravka radnika, za troškove plate, za hitne sitnije nabavke reprovizorijala i rezervnih dijelova, poreza i osiguranja, kao i za druge troškove u vezi sa redovnim tekućim održavanjem poslovnih prostorija - u visini prosječnih jednomjesečnih troškova za, na osnovu predračuna, koji se prilaže uz zahtjev;

2) za visinu deviznih sredstava lokalne valute koja se ne može transferisati, i za koju je prethodno dobijeno odobrenje Narodne banke kao i, za naplatu dijela potraživanja u lokalnoj valuti, što se dokazuje uz zahtjev;

3) za davanje kaucije ili polaganje garantovanog depozita za dobro izvršenje posla, ako strani saugovarač to uslovljava ili propis odnosno zemlje na to obavezuje, uz podnošenje slijedećih dokaza: foto-kopije ugovora ili zahtjeva stranog saugovarača, odnosno foto-kopije o uslovima iz raspisane licitacije ili foto-kopije ovjerenog prevoda propisa strane zemlje kojim se predviđa obaveza davanja kaucije ili polaganje garantovanog depozita za dobro izvršenje posla.

Izuzetno od odredbe tačke I. stav 2. ove odluke, Narodna banka može dati odobrenje za držanje deviza po toj odredbi i duže od jedne godine, a najduže dok traje obaveza iz ugovora;

4) za plaćanje troškova za rad predstavništva ili poslovne jedinice u inostranstvu koje su osnovane prema odredbama Zakona o spoljnotrgovinskom poslovanju ("Službeni list RBiH", br. 2/92 i 13/94), do visine prosječnih troškova na osnovu knjigovodstvenih podataka, a za preduzeća koja tek počinju raditi na bazi procjene, što prilaže uz zahtjev;

5) za plaćanje troškova preduzeća koja pružaju usluge u međunarodnom robnom i putničkom prometu i organizacije za osiguranje do visine prosječnih troškova na osnovu knjigovodstvenih podataka, a za preduzeća koja tek počinju raditi na bazi procjene, što se prilaže uz zahtjev;

6) za plaćanje dospjelih obaveza poreza i "price cap" po osnovu preuzete nafte u skladu s ugovorom o istraživanju i proizvodnji nafte u inozemstvu, s tim što se uz zahtjev prilaže foto-kopija tog ugovora.

Zahtjev preduzeća i drugog pravnog lica treba da sadrži osnov, iznos i vrstu devize za koje se traži odobrenje, kao i naziv zemlje i banke kod koje se drže devize što Narodna banka, posebno unosi u odobrenje.

Uz zahtjev prilaže se i mišljenje domaće banke ovlaštene za provjeru boniteta strane banke za koje se otvara račun, a prilozi iz podtač. 1. do 6. ove tačke zavisno od potrebne dokumentacije za obrazloženje zahtjeva.

III

Danom stupanja na snagu ove odluke prestaje da važi Odluka o uslovima za davanje odobrenja preduzeću i drugom pravnom licu da drže devize na računu u inozemstvu ("Službeni list RBiH", broj 2/92).

IV

Ova odluka stupa na snagu osmog dana od dana objavljivanja u "Službenom listu RBiH".

V broj 12/95
4. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

12

Na osnovu člana 34. stav 2. Zakona o Vladi Republike Bosne i Hercegovine ("Službeni list RBiH", broj 13/94), Vlada Republike Bosne i Hercegovine, donosi

ODLUKU

O OSLOBADANJU OD PLAĆANJA ODREĐENIH KOMUNALNIH USLUGA, TROŠKOVA IZDAVANJA PUTNIH I DRUGIH ISPRAVA I POVLASTICAMA U UNUTRAŠNJEJ PUTNIČKOM PROMETU

I

Oslobadaju se od plaćanja komunalnih usluga pripadnici jedinica i štabova Armije Republike Bosne i Hercegovine (u daljem tekstu: Armija RBiH), pripadnici borbenih jedinica i štabova Ministarstva unutrašnjih poslova Republike Bosne i Hercegovine (u daljem tekstu: MUP RBiH), pripadnici postrojbi i stožera Hrvatskog vijeća obrane (u daljem tekstu: HVO) u sastavu Armije RBiH, ratni vojni invalidi i članovi porodice poginulih boraca sa kojima je poginuli borac živio u zajedničkom domaćinstvu prije svoje smrti, a koji se odnose na troškove:

- stanarine,
- centralnog grijanja,
- električne energije do 100 kW mjesečne potrošnje i mjesečnog paušalnog iznosa na električno brojilo,
- prirodnog gasa za grijanje,
- telefona u mjesnom saobraćaju do 100 impulsa i mjesečne pretplate,
- vode,
- mjesečne RTV pretplate.

II

Lica iz tačke I ove odluke oslobadaju se od plaćanja troškova izdavanja putnih i drugih isprava u slučajevima kada je tim licima neophodno liječenje ili druga zdravstvena usluga izvan Republike Bosne i Hercegovine.

III

Lica iz tačke I ove odluke oslobadaju se sudskih i administrativnih taksa u sudskim i administrativnim postupcima radi

ostvarivanja svojih socijalno-statusnih prava u skladu sa zakonom.

IV

Prava na besplatnu vožnju imaju:

1. Pripadnik jedinica i štabova Armije RBiH, pripadnik borbenih jedinica i štabova MUP-a RBiH i pripadnik postrojbi i stožera HVO u sastavu Armije RBiH:

- za prevoz koji koristi radi posjete porodici, a najviše dva putovanja u odlasku i povratku,

- za prevoz koji koristi radi liječenja ili rehabilitacije;

2. Ratni vojni invalid i pratilac teškog ratnog vojnog invalida:

- za prevoz koji koristi radi liječenja ili rehabilitacije po uputi nadležne ljekarske komisije,

- za prevoz koji koristi radi odazivanja na poziv nadležnih organa koji odlučuju o socijalno-statusnim pravima,

- za prevoz u druge svrhe, a najviše dva putovanja u odlasku i povratku;

3. Porodica poginulog borca ima pravo na dvije besplatne vozne karte u odlasku i povratku;

4. Pripadnika jedinica i štabova Armije RBiH, pripadnika borbenih jedinica i štabova MUP-a RBiH i pripadnika postrojbi i stožera HVO u sastavu Armije RBiH, koji se nalaze na liječenju ili rehabilitaciji u zdravstvenoj ustanovi, može posjetiti jedan od članova porodice koji ima pravo na dvije besplatne vozne karte u odlasku i povratku.

V

Poslije smrti pripadnika jedinica i štabova Armije RBiH, pripadnika borbenih jedinica i štabova MUP-a RBiH, pripadnika postrojbi i stožera HVO u sastavu Armije RBiH i ratnog vojnog invalida, članovi porodice poginulog borca sa kojima je živio u zajedničkom domaćinstvu, imaju pravo na jednokratnu novčanu pomoć u iznosu od 15 prosječnih plata u Republici Bosni i Hercegovini iz prethodnog mjeseca prije njegove smrti.

VI

Opština, odnosno grad Sarajevo svojom odlukom utvrdiće prava na besplatnu vožnju u gradskom i prigradskom saobraćaju i druge troškove iz svoje nadležnosti.

VII

Lica iz tačke I ove odluke, koja su ostvarila pravo na povlastice po drugom pravnom osnovu, nemaju pravo na povlastice propisane ovom odlukom.

VIII

Dokument kojim se dokazuje svojstvo, potreba i prava utvrđena ovom odlukom izdaju nadležni vojni i civilni organi, što će se bliže urediti Uputstvom za primjenu ove odluke.

IX

Za provođenje ove odluke sredstva će se obezbijediti u Budžetu Republike Bosne i Hercegovine za 1995. godinu.

X

Ova odluka primjenjivat će se do 30. juna 1995. godine.

XI

Uputstvo za primjenu ove odluke donijet će ministar nadležan za boračko-invalidsku zaštitu, u saradnji sa nadležnim ministrima, u roku od sedam dana od dana stupanja na snagu ove odluke.

XII

Danom stupanja na snagu ove odluke prestaje da važi Odluka o jednokratnoj pomoći porodicama poginulih boraca, teže ranjenih i lakše ranjenih pripadnika oružanih snaga Republike Bosne i Hercegovine ("Službeni list RBiH", broj 15/92).

XIII

Ova odluka objavljena je na oglasnoj tabli Vlade Republike Bosne i Hercegovine dana 14. januara 1995. godine kada je stupila na snagu i objavit će se i u "Službenom listu RBiH".

V broj 13/95
14. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

13

Na osnovu člana 34. stav 4. Zakona o Vladi Republike Bosne i Hercegovine ("Službeni list RBiH", broj 13/94), Vlada Republike Bosne i Hercegovine, donosi

RJEŠENJE

**O IMENOVANJU PREDSTAVNIKA REPUBLIKE
BOSNE I HERCEGOVINE I ZAMJENIKA
PREDSTAVNIKA U UPRAVNI SAVJET
MEDUNARODNOG FONDA ZA RAZVOJ
POLJOPRIVREDE - IFAD**

1. Za predstavnika Republike Bosne i Hercegovine u Upravnom savjetu Medunarodnog fonda za razvoj poljoprivrede imenuje se dr HASAN MURATOVIĆ, ministar bez portfelja i član Vlade Republike Bosne i Hercegovine.

2. Za zamjenika predstavnika Republike Bosne i Hercegovine u Upravnom savjetu Medunarodnog fonda za razvoj poljoprivrede imenuje se dr REFIK NUMIĆ, savjetnik ministra za poljoprivredu u Ministarstvu energetike i industrije.

3. Ovo rješenje objaviti u "Službenom listu RBiH".

V broj 198/94
30. decembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

14

Na osnovu člana 29. stav 5. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE

**O IMENOVANJU PREDSEDNIKA I ČLANOVA
UPRAVNOG ODBORA ZAVODA ZA SPECIJALNO
VASPITANJE DJECE SARAJEVO**

1. Za predsjednika i članove Upravnog odbora Zavoda za specijalno vaspitanje djece Sarajevo imenuju se:

- 1) SLAVKA SUČIĆ, predsjednik
- 2) MEDINA DŽANANOVIĆ, član
- 3) RASIM RIZVO, član
- 4) MUHAMED BAJRAMOVIĆ, član
- 5) NAILA MAHIĆ, član
- 6) SAFET VELETOVAC, član
- 7) FAKO ATIJU, član

2. Ovo rješenje objaviti u "Službenom listu RBiH".

V broj 199/94
30. decembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

15

Na osnovu člana 29. stav 5. i člana 34. stav 3. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE

**O IMENOVANJU PREDSEDNIKA I ČLANOVA
UPRAVNOG I NADZORNOG ODBORA VIŠE
EKONOMSKE ŠKOLE U BIHAĆU**

1. Za predsjednika i članove Upravnog odbora Više ekonomske škole u Bihaću imenuju se:

- 1) mr FIKRET DERVIŠEVIĆ, predsjednik
- 2) mr HASAN ZULIĆ, član
- 3) mr MEHMED ALIJAGIĆ, član
- 4) HASIB BEGANOVIĆ, član
- 5) MUNIB REDŽIĆ, član
- 6) IZET SABLJIĆ, član
- 7) HAMDİJA KOBILJAGIĆ, član
- 8) EDHEM VELADŽIĆ, član
- 9) ALMEDIN BEČIREVIĆ, član

2. Za predsjednika i članove Nadzornog odbora Više ekonomske škole u Bihaću imenuju se:

- 1) ESAD MIDŽIĆ, predsjednik
- 2) ALEMKA IBRADŽIĆ, član
- 3) SLOBODANKA BEGATOVIĆ, član

3. Ovo rješenje objaviti u "Službenom listu RBiH".

V broj 200/94
30. decembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

16

Na osnovu člana 29. stav 5. i člana 34. stav 3. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE

**O IMENOVANJU PREDSEDNIKA I ČLANOVA
UPRAVNOG I NADZORNOG ODBORA PEDAGOŠKE
AKADEMIJE U BIHAĆU**

1. Za predsjednika i članove Upravnog odbora Pedagoške akademije u Bihaću imenuju se:

- 1) OSMAN RAMIĆ, predsjednik
- 2) IDRIZ EZIĆ, član
- 3) FADIL JUSIĆ, član
- 4) GABRIJELA MACIĆ, član
- 5) ALAGA TOPIĆ, član
- 6) ŠEFIK ŠTULANOVIĆ, član
- 7) ENES LJUBLJANKIĆ, član
- 8) HAZIM GROCIĆ, član
- 9) IVAN BLAŽEVIĆ, član

2. Za predsjednika i članove Nadzornog odbora Pedagoške akademije u Bihaću imenuju se:

- 1) IDRIZ ZULIĆ, predsjednik
- 2) ADEM DŽAFEROVIĆ, član
- 3) MUHAREM SELIMOVIĆ, član

3. Ovo rješenje objaviti u "Službenom listu RBiH".

V broj 201/94
30. decembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

17

Na osnovu člana 29. stav 5. i člana 34. stav 3. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE**O IMENOVANJU PREDSEDNIKA I ČLANOVA UPRAVNOG I NADZORNOG ODBORA VIŠE TEHNIČKE ŠKOLE U BIHAĆU**

1. Za predsjednika i članove Upravnog odbora Više tehničke škole u Bihaću imenuju se:

- 1) mr FAHRUDIN MIDŽIĆ, predsjednik
- 2) mr MIRSAD VELADŽIĆ, član
- 3) ADNAN ALAGIĆ, član
- 4) MUHAMED HADŽIPAŠIĆ, član
- 5) mr OMER DEMIROVIĆ, član
- 6) SULJO MIRVIĆ, član
- 7) DRAGO MAŽAR, član
- 8) ESAD BAJRAMOVIĆ, član

2. Za predsjednika i članove Nadzornog odbora Više tehničke škole u Bihaću imenuju se:

- 1) MUSTAFA KAZIĆ, predsjednik
- 2) prof. dr ISMET BIŠČEVIĆ, član
- 3) SALIH HODŽIĆ, član

3. Ovo rješenje objaviti u "Službenom listu RBiH".

V broj 202/94
30. decembra 1994. godine
Sarajevo

Predsjednik
Vlade RBiH,
dr Haris Silajdžić, s. r.

18

Na osnovu člana 29. stav 5. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE**O IMENOVANJU DEKANA FILOZOFSKOG FAKULTETA U TUZLI**

Za dekana Filozofskog fakulteta u Tuzli imenuje se prof. dr ENVER HALILOVIĆ.

Ovo rješenje objaviti u "Službenom listu RBiH".

V broj 1/95
8. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

19

Na osnovu člana 29. stav 5. i člana 34. stav 3. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE**O IMENOVANJU PREDSEDNIKA I ČLANOVA UPRAVNOG I NADZORNOG ODBORA FILOZOFSKOG FAKULTETA U TUZLI**

1. Za predsjednika i članove Upravnog odbora Filozofskog fakulteta u Tuzli imenuju se:

- 1) MIRZA JUSUFOVIĆ, predsjednik
- 2) prof. dr FERHAD NOŽINOVIĆ, član
- 3) VEHBİJA FAZLIĆ, član
- 4) prof. dr REFIK FAZLIĆ, član
- 5) MIRELA CRABIĆ, član

2. Za predsjednika i članove Nadzornog odbora Filozofskog fakulteta u Tuzli imenuju se:

- 1) mr AZEM KOŽAR, predsjednik
- 2) prof. dr MUHAMED AHMEDBAŠIĆ, član
- 3) SELMA CIPURKOVIĆ, član

3. Ovo rješenje objaviti u "Službenom listu RBiH".

V broj 2/95
8. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

20

Na osnovu člana 29. stav 5. Zakona o ustanovama ("Službeni list RBiH", br. 6/92, 8/93 i 13/94), Vlada Republike Bosne i Hercegovine, donosi

RJEŠENJE**O IMENOVANJU DEKANA FAKULTETA POLITIČKIH NAUKA U SARAJEVU**

Za dekana Fakulteta političkih nauka u Sarajevu imenuje se prof. dr HALIM MULAIBRAHIMOVIĆ.

Ovo rješenje objaviti u "Službenom listu RBiH".

V broj 3/95
8. januara 1995. godine
Sarajevo

Predsjednik
Vlade RBiH,
dr Haris Silajdžić, s. r.

21

Na osnovu člana 124. st. 1. i 3. Zakona o državnoj upravi - Novi prečišćeni tekst ("Službeni list RBiH", broj 26/93), ministar prostornog uređenja, resursa i zaštite okoliša, donosi

PRAVILNIK**O PRESTANKU PRIMJENE PRAVILNIKA O VRSTAMA PROIZVODA ŽIVOTINJSKOG PORIJEKLA ZA KOJE NIJE POTREBNO RJEŠENJE O VETERINARSKO-SANITARNIM USLOVIMA KOJE TE POŠILJKE MORAJU ISPUNJAVATI PRILIKOM UVOZA ILI PROVOZA**

Član 1.

Pravilnik o vrstama proizvoda životinjskog porijekla za koje nije potrebno rješenje o veterinarsko-sanitarnim uslovima koje te pošiljke moraju ispunjavati prilikom uvoza i provoza ("Službeni list RBiH", broj 2/92) prestaje da se primjenjuje.

Član 2.

Ovaj pravilnik stupa na snagu osmog dana od dana objavljivanja u "Službenom listu RBiH".

Broj 01-1-335-33/94

8. januara 1995. godine
Sarajevo

Ministar
Munever Imamović, s. r.

22

Na osnovu člana 8. stav 6. Zakona o računovodstvu ("Službeni list RBiH", br. 2/92 i 13/94), ministar finansija, donosi

PRAVILNIK**O IZMJENI I DOPUNAMA PRAVILNIKA O SADRŽINI KONTA U KONTNOM PLANU**

Član 1.

U Pravilniku o sadržini konta u kontnom planu ("Službeni list RBiH", br. 17/92, 9/94 i 34/94), u članu 58. stav 7. mijenja se i glasi:

"Pravno lice koje evidentno vodi sredstva i izvore tih sredstava, a koje nije već duže vrijeme u mogućnosti da ih popiše i koristi, jer nisu na teritoriji pod kontrolom legalnih organa vlasti Republike Bosne i Hercegovine, izvršit će iskknjižavanje tih sredstava prije izrade godišnjeg obračuna za 1994. godinu. Iskknjižavanje će izvršiti na taj način što će za knjigovodstvenu vrijednost tih sredstava evidentiranu na kontima klase 0, 1, 3. i 6. zadužiti odgovarajuće izvore sredstava,

C. Evidentiranje prometa preko registar-blagajne za utvrđivanje akontacije poreza

5. Poreski obveznik koji promet proizvoda i usluga naplaćuje u gotovom novcu dužan je promet evidentirati preko registar-blagajne.

Od obaveze evidentiranja prometa preko registar-blagajne izuzimaju se obveznici koji pretežni dio prometa ostvaruju prodajom štampe i duhanskih preradevina ili promet obavljaju na tržnicama i drugim slobodnim prostorijama.

U registar-blagajni moraju biti evidentirani podaci koji su istovjetni na isječku vrpce. Poreski obveznik dužan je izdati isječek vrpce svakom kupcu proizvoda, odnosno korisniku usluga.

Izuzetno poreski obveznik - fizičko lice kojem je zbog posebnosti u obavljanju djelatnosti otežano voditi registar - blagajnu kao i onaj obveznik koji svoje proizvode ili usluge naplaćuje na terenu (izvan sjedišta radnje) za naplatu u gotovom novcu mogu izdati račune - paragon blokove. Ovi računi pišu se u dva primjerka, od kojih jedan ostaje u bloku, a drugi se izdaje stranci.

6. Poreski obveznik mora u registar-blagajni i na isječku vrpce evidentirati:

- naziv pravnog ili fizičkog lica koje vrši prodaju,
- broj računa - isječka vrpce,
- datum i mjesto prodaje proizvoda, odnosno obavljanja usluge,
- jediničnu cijenu prodanog proizvoda ili usluge i količinu prodanih proizvoda, odnosno obavljenih usluga,
- stopu poreza prema tarifnim brojevima Tarife osnovnog poreza, stopu posebnog poreza, te ostalih poreza po vrsti prodanog proizvoda, odnosno obavljenih usluga,
- iznos poreza prema tar. br. Tarife osnovnog poreza, posebnog poreza i ostalih poreza po prodanom proizvodu i obavljenoj usluzi,
- ukupno naplaćeni iznos i ukupno naplaćeni porez na promet po tarifnim brojevima i stopama.

7. Poreski obveznik dužan je ažurno voditi zaduženje prodajnog mjesta po vrsti proizvoda i iznosu poreza.

Poreski obveznik mora dnevno zaključiti evidentirani promet i porez prema tar. br. Tarife osnovnog poreza, posebnog poreza i ostalih poreza po vrsti prodanih proizvoda, odnosno obavljenih usluga i sastaviti rekapitulaciju poreza po računima.

8. Poreski obveznik dužan je za prodane proizvode, odnosno obavljene usluge kupcu obavezno izdati odgovarajući isječek registarske vrpce, bez obzira da li je kupac to posebno zahtijevao ili ne.

Rekapitulacije računa (vrpce) iz registar-blagajne služe kao dokumentacija za utvrđivanje ostvarenog prometa poreskog obveznika i na odgovarajući se način iskazuju u knjigama prometa.

D. Obaveza mjesečnog izvještavanja Finansijske policije i Poreske uprave o obračunu i uplati poreza na promet proizvoda i usluga

9. Poreski obveznik podnosi Finansijskoj policiji i nadležnoj poreskoj upravi mjesečno izvještaj o obračunu i uplati poreza na promet proizvoda i usluga na obrascu PP-MI koji je sastavni dio ovog uputstva.

U obrazac PP-MI unose se podaci o poreskim osnovicama razvrstani po tarifnim brojevima i istim poreskim stopama.

U kolonu 4. obrasca PP-MI unosi se podatak o osnovici za obračun poreza na promet proizvoda i usluga za izvještajni mjesec.

Osnovicu za obračun poreza na promet proizvoda i usluga za izvještajni mjesec čini vrijednost prodanih i naplaćenih

proizvoda i usluga u izvještajnom mjesecu u skladu sa tačkom 4. ovog uputstva.

U kolonu 6. obrasca PP-MI unosi se podatak o obračunatom porezu na promet proizvoda i usluga koji se dobije množenjem osnovice iz kolone 4. propisanom stopom iz kolone 5. obrasca PP-MI, koju čini stopa osnovnog, posebnog poreza i ostalih poreza.

U kolonu 7. obrasca PP-MI unosi se podatak o uplaćenom porezu za izvještajni mjesec.

10. Poreski obveznik dužan je uz obrazac PP-MI priložiti ovjerene kopije naloga odnosno uplatnicu za uplatu poreza na promet.

11. Poreski obveznik koji plaća porez na promet proizvoda i usluga preko računa dijela poreskog obveznika ili akreditiva sastavlja obrazac PP-MI koji s priloženim ovjerenim nalogima o uplati dostavlja mjesečno Finansijskoj policiji.

12. Mjesečni izvještaj o uplati poreza na promet proizvoda i usluga na obrascu PP-MI dostavlja se Finansijskoj policiji i nadležnoj poreskoj upravi do 15-og u mjesecu za protekli mjesec.

13. Kad se mjesečne uplate ne poklapaju sa sedmičnim uplatama, potrebno je sedmične naloge za uplatu poreza razdvojiti na dio koji se odnosi na izvještajni mjesec i dio koji se odnosi na slijedeći mjesec.

E. Konačni obračun i plaćanje poreza

14. Poreski obveznik konačno obračunava porez na promet proizvoda i usluga na osnovu podataka o vrijednosti prodanih i naplaćenih proizvoda i vrijednosti obavljenih i naplaćenih usluga sa stanjem na dan 31. decembra godine za koju se obračun sastavlja.

Naplaćenim prodanim proizvodima odnosno naplaćenim naknadama za obavljene usluge smatraju se naplaćeni prodani proizvodi i naplaćene naknade za obavljene usluge u skladu sa tačkom 4. ovog uputstva.

Konačni obračun poreza na promet podnosi se na obrascu PP-MI kao kumulativ za period od 1. januara do 31. decembra izvještajne godine i podnosi se Finansijskoj policiji.

Poreski obveznik fizičko lice - poduzetnik podnosi konačni obračun poreza na promet nadležnoj poreskoj upravi do 31. januara tekuće godine za proteklu godinu.

Konačni obračun poreza na promet podnose i poreski obveznici iz tačke 3. podtač. 3.1. do 3.5, na obrascu PP-MI koji će prilagoditi u pogledu prometa proizvoda kojim se bave i prometa usluga trgovine na malo.

15. Poreski obveznik koji porez na promet plaća preko svojih jedinica (dijelova) sastavlja i zbirni obračun poreza na promet za pravno lice kao cjelinu.

16. Poreski obveznik - pravno lice pri konačnom obračunu poreza na promet proizvoda u prometu na malo postupa na slijedeći način:

1) utvrđuje ukupno zaduženje tako što iznosu zaliha proizvoda sa stanjem na dan 1. januara u godini za koju se utvrđuje konačni godišnji obračun poreza raspoređenih po tar. brojevima i istim poreskim stopama dodaje iznos svih nabavki proizvoda od 1. januara do 31. decembra te godine raspoređenih po tarifnim brojevima i istim poreskim stopama i tome pribraja vrijednost viška proizvoda utvrđenih popisom na dan 31. decembra iste godine, raspoređujući ga po tarifnim brojevima i istim poreskim stopama, srazmjerno učešću u ukupnom zaduženju,

2) od ukupnog zaduženja utvrđenog na način iz podtačke 1. ove tačke odbija se:

- vrijednost rashoda (kala, rastura, loma i kvara) dopuštenog općim aktom poreskog obveznika ili aktom strukovne sekcije Privredne komore BiH raspoređenog po tarifnim brojevima i istim poreskim stopama, srazmjerno učešću u ukupnom zaduženju,

- vrijednost manjka za koji je poreski obveznik konačno platio porez na promet proizvoda,

- vrijednost zaliha proizvoda utvrđenih popisom sa stanjem na dan 31. decembra godine za koju se obavlja obračun, raspoređenih po tarifnim brojevima i istim poreskim stopama,

3) utvrđuje se iznos poreza na promet primjenom preračunatih stopa na razliku iznosa iz podtač. 1) i 2) ove tačke. Na tako utvrđeni iznos poreza na promet dodaje se iznos poreza sadržan u naplaćenim potraživanjima za prodane proizvode po godišnjem obračunu iz protekle godine i odbija iznos poreza sadržan u nenaplaćenim potraživanjima do 30 dana za prodane proizvode sa stanjem na dan 31. decembra godine za koju se obavlja konačni obračun. Tako dobiveni iznos predstavlja iznos poreza u naplaćenju realizaciji odnosno konačni iznos poreza na promet.

F. Plaćanje poreza na promet uvoznih cigareta

17. Uvozne cigarete mogu se pojaviti u prometu na tržištu Republike Bosne i Hercegovine samo ako su označene nadzor-nim markicama Ministarstva finansija/financija.

Nadzorne markice štampat će "Dom štampe - DD" Zenica.

Preuzimanje naručenih nadzornih markica od štamparije i njihovu isporuku uvoznicima - poreskim obveznicima obavlja ovlašćeni radnik Ministarstva finansija u Zenici.

Poreski obveznici - uvoznici prije preuzimanja nadzornih markica obavezni su dati ovlašćenom radniku Ministarstva finansija garanciju poslovne banke ili drugi odgovarajući instrument radi osiguranja naplate poreza na promet uvoznih cigareta kao i Potvrdu Ministarstva finansija u skladu sa Uputstvom o primjeni republičkih propisa u postupku obračuna i naplati dažbina i postupku prijavljivanja i kontrole roba ("Službeni list RBiH", broj 34/94).

Obaveza plaćanja poreza na promet za uvozne cigarete nastaje danom preuzimanja nadzornih markica Ministarstva finansija i istu vodi ovlašćeni radnik ovog ministarstva.

18. Porez na promet uvoznih cigareta plaća se:

1) u trenutku carinjenja ako je realizovan uvoz,

2) protekom roka od 90 dana ako se uvoz ne obavi u roku od 90 dana od dana kada su preuzete nadzorne markice.

G. Porez na promet putničkih automobila

19. Na promet novih putničkih automobila u skladu sa članom 13. Zakona o dodatnom uređivanju poreza na promet proizvoda i usluga plaća se jedan porez na promet proizvoda prema radnoj zapremini motora i to do 2,0 litra 20%, a preko 2,0 litra 35%, a građani kod direktnog uvoza plaćaju i porez na promet usluga trgovine na malo i ugostiteljstva.

U prometu ostalih putničkih automobila između fizičkih ili pravnih lica plaća se porez na promet u skladu sa Tar. brojem 8. Tarife osnovnog poreza na promet i porez na promet usluga trgovine na malo.

H. Porez na promet usluga trgovine na malo i ugostiteljstva

20. Porez na promet usluga trgovine na malo i ugostiteljstva u skladu sa čl. 15. i 16. Zakona o dodatnom uređivanju poreza na promet proizvoda i usluga plaća se po stopi od 10% na maloprodajnu cijenu bez ovog poreza.

21. Porez iz tačke 20. ovoga uputstva ne plaća se na promet proizvoda iz člana 18. Zakona o dodatnom uređivanju poreza na promet proizvoda i usluga, s tim da se mastima smatraju i margarin i maslo.

22. Obveznik poreza na promet usluga trgovine na malo i ugostiteljstva je pravno i fizičko lice koje obavlja usluge prometa na malo i usluge ugostiteljstva.

Fizičkim licem smatra se poduzetnik i građanin.

Obavljanjem usluga trgovine na malo smatra se prodaja proizvoda koja služi krajnjoj ličnoj potrošnji.

23. Konačno formiranje maloprodajne cijene, na primjer, za domaće pivo bilo bi:

Elementi	- u DEM -	
	Važeće stanje	Stanje od 1. 01. 1995. g.
1. Proizvođačka cijena pivare	0,40	0,40
2. Prijevoz (5% od 1)	0,02	0,02
3. Veleprodajna marža (8% od 1)	0,03	0,03
4. Veleprodajna cijena	0,45	0,45
5. Maloprodajna marža (20% od 4)	0,09	0,09
6. MPC bez poreza	0,54	0,54
7. Porez na promet proizvoda 37%	0,20	0,20
MPC sa porezom na promet proizvoda	0,74	0,74
Porez na usluge trgovine na malo 10%	-	0,07
Krajnja MPC	0,74	0,81

I. Prijelazne i završne odredbe

24. Poreski obveznici koji su dužni voditi registar-blagajne mogu do 31. marta 1995. godine evidentirati promet preko postojećih registar-blagajni.

Do 31. marta 1995. godine poreski obveznici vršit će uplatu poreza na promet na osnovu podataka o prodanim proizvodima primjenom preračunatih prosječnih poreskih stopa koje se utvrđuju mjesečno. Preračunatim prosječnim poreskim stopama smatraju se stope utvrđene iz odnosa ukupno ukalkuliranog osnovnog, posebnog i drugog poreza na promet i ukupnog zaduženja prodavnice odnosno druge poslovne jedinice.

Preračunate prosječne poreske stope utvrđene na način iz stava 2. ove tačke primjenjuju se na naplaćenu realizaciju svakih sedam dana u mjesecu.

Naplaćena realizacija utvrđuje se tako što se od ukupnog zaduženja prodavnice odbije vrijednost zaliha po popisu robe na kraju mjeseca, raspoređeno po tar. brojevima i istim poreskim stopama.

Izuzetno od stava 2. ove tačke do 31. marta 1995. godine poreski obveznici mogu vršiti uplatu poreza na promet na osnovu podataka o prodanim proizvodima primjenom propisanih poreskih stopa.

25. Poreski obveznik podnosi mjesečni izvještaj PP-MI i za period iz tačke 24. stav 1. ovoga uputstva, s tim da prvi podnese do 15-og februara 1995. godine.

26. Preračunata stopa poreza na promet proizvoda utvrđuje se po slijedećem obrascu:

$$\frac{100 \times \text{propisana stopa osnovnog, odnosno posebnog i drugog poreza na promet}}{100 + \text{zbir propisanih stopa osnovnog, posebnog i drugog poreza na promet}} = \%$$

Po istom obrascu utvrđuje se i preračunata stopa poreza na promet usluga.

27. Poreski obveznici dužni su popisati stanje zaliha robe na dan 31. decembra 1994. godine i od 1. januara 1995. godine primjenjivati porez na promet usluga trgovine na malo i ugostiteljstva.

28. Poreski obveznici pravna lica koji su u 1994. godini obračunavali i plaćali akontacije poreza na promet na osnovu naplaćene realizacije postupit će na slijedeći način:

- platit će porez na promet proizvoda i usluga sadržan u potraživanjima na dan 31. decembra 1994. godine po naplati potraživanja, a najkasnije do 31. marta 1995. godine;

- iz uplata poreza u toku sedmice izuzet će realizaciju utvrdenu na osnovu instrumenata plaćanja na koju je u prethodnom periodu plaćen porez na promet.

29. Poreski obveznici - pravna lica u prometu na veliko i prometu usluga koji su u 1994. godini obračunavali i plaćali

akontacije poreza na promet na fakturisanu realizaciju, u 1995. godini poresku osnovicu utvrđivat će na način kad od naplaćene realizacije u toku sedmice umanje iznos realizacije na koji je u ranijem periodu plaćen porez na promet.

30. Ovo uputstvo stupa na snagu danom objavljivanja u "Službenom listu RBiH".

Broj 05-021-384/95
12. januara 1995. godine
Sarajevo

Ministar
Neven Tomić, s. r.

OBRAZAC PP-MI

Matični broj
poreskog obveznika

Datum prijema

Naziv poreskog
obveznika

Ime referenta

Mjesto

Finansijska policija

Brojčana oznaka i
naziv djelatnosti

Broj žiro-računa

MJESEČNI IZVJEŠTAJ O OBRAČUNU I UPLATI POREZA NA
PROMET PROIZVODA I USLUGA ZA PERIOD OD --- DO --- 19 ---

Red. br.	Tarifni br. ili porez po posebnom propisu	Oznaka za AOP	Osnovica za obračun p/pp i poreza p/u	Stopa (osnovni + ostali)	Obračunati p/p i p/u Iznos	Uplaćen iznos poreza p/p i p/u-i
1	2	3	4	5	6	7
A) POREZ NA PROMET PROIZVODA		x x x				
1. Tar. broj 1		01				
2. Tar. br. 6. stav 1. tač. 1) i 2)		02				
3. Tar. br. 6. stav 1. tač. 3) i 4)		03				
4. Tar. br. 6. stav 2. tač. 1) do 12)		04				
5. Tar. br. 6. stav 2. tač. 13)		05				
6. Tar. br. 6. stav 2. tač. 14)		06				
7. Tar. br. 6. stav 2. tač. 15)		07				
8. Tar. br. 6. stav 2. tač. 16) i 17)		08				
9. ZBIR TAR. BROJA 6 (02 do 08)		09				
10. Tar. br. 7		10				
11. Tar. br. 8 tačka 1. alinija 2		11				